



# Plata dla Ploania Antermëia Sant'Antone Abat

UNITÉ PASTORALA



**VAL BADIA**  
www.unitepastorala.org

Ploan: siur Paul Campej  
E-mail: [campei.paul@rolmail.net](mailto:campei.paul@rolmail.net)

Calonia: 0474/520012  
Siur Paul: 380 7345533

Ann C

03.03.2019 - 10.03.2019 - 8. domënia ia por l'ann

n. 14

## Mëteman pro se enstësc

📖 Sir 27, 4–7 | 1 Cor 15, 54–58 | Lc 6, 39–45

### Dal Vangele do San Lüca:

Te chël tëm̃p <sup>39</sup>à Gejù dit a sü discepui: Sciafia pa n verc da menè n verc? Ne tomarài mo nia trami te na büja? <sup>40</sup>Le scolar n'è nia sura so maester; vignun che à imparè döt cant sarà mà sciöche so maester. <sup>41</sup>Çiodî vëigheste pa l'agüz tl edl de to fre, mo dla trè te to edl ne t'un intëneste nia? <sup>42</sup>Cô sciàfieste pa da ti di a to fre: Fre, làscome trà l'agüz fora de to edl!, deperpo che instës ne vëigheste nia la trè te to edl? Tö falzun! Tira naöta la trè fora de to edl; spo poste porvè da trà fora l'agüz fora dl edl de to fre. <sup>43</sup>Al n'è nia de bugn lëgn che porta de stlec früç, no de stlec lëgn che porta de bugn früç. <sup>44</sup>Vigni lëgn conëscion a sü früç; dai ardiuns ne cöion degügn fighi, y dala trognora da spinac ne cöion degöna üa. <sup>45</sup>N bun chestian porta de bun a löm, deache te so cör él de bun; n ri chestian porta de ri a löm, deache te so cör él de ri. De çi che le cör é plëgn, de chël cunta la boçia.



*Le Signur é diventè mi sostëgn.  
Al m'è condüt fora alalera, al  
m'è delibré, deach'al à plajëi  
cun mè.*

📖 Letöres dla Pröma domënia de Carsëma | domënia dla dlijja te ciasa:  
Deut 26, 4–10 | Rom 10, 8–13 | Lc 4, 1–13

**Edema liturgica dai 03.03. ai 10.03.2019**

<b>2019</b>	<b>Ora</b>	<b>Mëssa</b>
<b>8<sup>a</sup> DOMENIA 03.03.</b> <i>oferta por la dlijia</i>	<b>9.30</b> <b>10.00</b>	<b>Corona</b> <b>Gran Mëssa por la comunitè</b> fam. Pepi Tasser aniversar + Milio Prada + Rudi Kircher
<b>LÖNESC 04.03.</b>	<b>7.25</b>	<b>s. Mëssa</b> aniversar + Sepl Campeï + Rudi Kircher
<b>MERTESC 05.03.</b>		
<b>MERCUI 06.03.</b> <b>CAPIUN</b> <i>jaiun y astinënza</i>	<b>19.00!</b>	<b>s. Mëssa cun imposiziun dl cënder</b> + Heinrich Rubatscher + Linda Sottrovisch
<b>JÖBIA 07.03.</b> <i>ss. Perpetua y Felizita</i>		
<b>VENDRES 08.03.</b>	<b>7.25</b>	<b>s. Mëssa</b> + Pire Mellauner
<b>SABEDA 09.03</b>	<b>18.00</b>	<b>s. Mëssa prefestia</b> + Loise Castlunger
<b>1<sup>a</sup> DOMENIA 10.03</b> <b>DE CARSËMA</b> <i>les ciampanes inviëia</i> <i>dales 19.00 ala oraziun</i> <i>te familia</i>	<b>9.30</b> <b>10.00</b>	<b>Staziuns (omi)</b> <b>Gran Mëssa por la comunité</b> families Sefl Rubatscher aniversar + Franz Irsara aniversar + Sepl Moling



## Informaziuns y terminns

Al mët tosc man **la Carsëma**, tēmp de preparaziun a Pasca. L'Directorium (regolamēt dla liturgia) scri dant l' coru violet, la omisciun dl Alleluja y dl Gloria, nia ciüf, strumené ma por acompagné l'ciantè. Cun na **funziun penitenziala** por düc ala fin dla Carsëma dess gni i fedei preparà a Pasca. Chi che se sent te n gran picé, dess i confessè tla **confesciun**. Mo al é ince oblighé a reparè, tan che al é poscibl, l'dann fat. Mo ince ai fedei che ne à nia da confessè de gragn picia, ti vegnel acunsié de ji ala confesciun, por aprofondí la desposiziun ala penitēza. Ince funziuns de **Liturgia dla Parora de Dî** dess gni curades. **Jaiun** (dla érn y pascenteza un en iade al dé) vel por Capiun y Vendres Sané, da 18 – 59 agn. **Astinenza** (degöna érn) vigni vendres de Carsëma da 14 agn insö. I atri vendresc dl ann él da tigni la astinenza o fa n atra opra de penitēza, o de oraziun. Tl tēp de Carsëma é **les Staziuns** na funziun dēr adatada por acompagné spiritualmēter Gejù söl Calvare. Chi che pò n pü, é der bel invià a to pert.

---

**Consulēza tl marcé y tl monn dl laur** en jöbia ai 7 de merz dales 16.00 ales 18.00 te **Sorvisc ai Jogn a Picolin**: le Sorvisc ai Jogn pita por düc i jogn, geniturs o interesciá na consulēza tl marcé y tl monn dl laur cun l'espert Giorgio Costabiei. Al dará consëis sön düc i temesc che reverda le monn dl laur: poscibilités de posé de laur tla Val Badia por stüdensc, formes de paiamēt, informaziuns importantes por lauré o fá practicums d'isté, candidatöres, formes de assicuraziuns y i.i. Al ne o ester degüna prenotaziun y an podará baié singolarmēter cun le consulēt.

Les **iscriziuns ala Scora de musiga** por l'ann de scora 2019/2020 vëgn tutes sö tratan le mëis de merz **cina ai 29.03.2019**. I formulars é da ciagé tl secretariat dla Scora de musiga a La Ila o te internet (sot a [www.musikschule.it](http://www.musikschule.it)). Por informaziuns telefonede al nr. 0471/847748.

L' **KVW dla Val Badia** organisëia en iade de **pelegrinaje de 4 dís tl Piemonte y Lombardia** a vijité i « Monti Sacri » de Oropa , Varallo, Orta y Varese dai 6 ai 9 de má. Le iade costa 500,00 €. Prenotaziuns tol sö cina che al é lerch Iaco Clement (tel. 0471/839772 o 3396257779 o iaco\_clement@libero.it). La prenotaziun vel dô le paiamēt dl prisc sön le cunt IT 11 J 08010 58180 000302017300 dla Cassa Raiffeisen. Por avëi le program plö avisa telefonéde präibel al nr. o e-mail dá dant dessura. Al nes acompagna siür Degan y Siür Franzl.

**Udiēza dla defensuria zivica** G. Morandell o de süa colaboradëssa Verena Crazzolara, n vëndres ai 8 de merz 2019, dales 14:30 – 16:00, a San Martin Ciasa de Comun. Informaziun y prenotaziun al tel.0471946020

**Comun** - La junta de comun inviará ia ai pröms de auri 2019 y ai pröms de novëmber 2019 i proscimi pacli de **mudaziuns al plann urbanistich comun**. Porchël pol gní deposité domandes de mudaziun anter i 29 de merz 2019 respetivamēter anter i 31 de otober 2019 tl ofize tecnich de comun. Domandes nia completes ne podará nia gní azetades.

Le **Zenter Families Mareo** envieia a to pert al **curs de yoga por mames che aspeta**. An se encunta 5 iadi, le pröm iade ai 11.03. dales 18.30 ales 19.45 tal local dla scora elementare. Por prenotaziun y informaziuns tel 338/7173577.

La doturia Grete Mahlknecht é demez en jöbia y en vëndres, ai 7 y 8 de merz, y vëgn sostituida dal dotur Aldo Marcocci 0473 501 477 / 338 72 80 518.




## GEBETSMEINUNG DES PAPSTES FÜR

# März

I periun por les comunités cristianes, dantadöt por chëres che vëgn porseghitades, ch'ares se sintes dlungia Gejú Crist y ch'ares vëgnes respetades te sü dërc.

L'cënder de capiun simbolisëia dões cosses. Al nes recorda ch'i messun enstësc morí: "Recôrdete che t'es tera y tera gnaraste indô». Y tl medemo tëmp nes amonëscel da nes convertí. Porchël po le prou ti dí a vignun pro l'imposiziun dl cënder ince: "Convertisse y cherdede al vagnele! » Te entrami i motivs de capiun pon odëi: vedl mëss passé por che al pois nasce val de nü. Tl medemo tëmp nes vëgnel recordé al mëteman dla carsëma che la crusc y la mort ne é nia la fin, mo le mëteman de na vita eterna pro Idî.



<b>Mësses a Rina:</b>	Dom 8.30 Dedem 20.00 Jöb 7.25 Sab 19.15 Dom 8.30
<b>Mësses a San Martin:</b>	Dom 9.30 Dedem. 18.30 Jöb 7.30 Sab 18.30 Dom 9.30

	04.03 - 09.03.2019	Denise - Moritz
	10.03.2019	<u>Marc - Magdalena - Tom</u> - Armin
	09.03.2019	Herbert Winkler
	10.03.2019	Giovanna Rubatscher
	Les mius aodanzes por le compliagn ti fajunse a Irsara Pietro (82). Döt le bun.	

**Impressum:**  
**Comunicaziuns:**  
**Download:**

Ploania Antermëia - redaziun Carlo Piazza  
cina la jöbia sëra a carlo.piazza@hotmail.com | 0474 520044  
www.unitepastorala.org | www.comun.sanmartindetor.bz.it